

I BUYOBOZI

 . . . kuba a maminiti aya masyoonto kuli ndinywe nobantu. Elyo Ndili lumbide ku Mukwesu Pearry ku kutambwa oku kwa kuba okuno, alimwi ku kubelekela antoomwe kwanu koonse.

² Ndi yeeya kuti oku nkuswaya kwesu kwateratu ku dolopo lyanu bbotu. Lyoonse twa kajana bantu okuno mu bulongwe, a lyoonse kukanana, kuvozya, naa bali kuzi, na pe. I kaswaya masena amakwebo amwi, obo mbwakali mabotu. Lyoonse kulibonya kwiindana mbuli mbocili kutala kunyiika kutontola; bala ndibona nke njila, bala kulindila a kuzwa, nkabela nku koonse kwa ncico. Pele tamu swayi maningi busena citakuti muntuumwi waamba, “Nda lumba! Jokela a kutu bona alubo!” Nda ciyanda eco.

³ Mpawo, Ndi yeeya kuti Mukwesu Pearry awa, mbuli Mbwe konzya ku mwiita boobo, buyo . . . Ndili mupati kwiinda bawisi, aboobo Ndi yeeyela kuti inga Nda mwiita kuti Mukwesu Pearry. Tii twa kazi mulombe, aa kuzibya buyo kwa mwana wangu, Billy Paul, oyo wakainka ku cikolo a nguwe. Pele ikuti na kuli umwi mu dolopo eli, na koonse kujatikizya, mukati ka kusika kwa cipekupeku, oyo uyo sweeka ku buzuba bwa mamanino, ta cikabi nkaambo kakuti Mukwesu Pearry taka bikka nguzu zyoonse kusola kuleta bantu kuli Kristo. Ta kasiya mwaala omwe ncobeni kauta vumbidwe. Elyo Nda langanya eci kuba coolwe cipati cakuba kokuno.

⁴ Cindi Mukwesu Pearry nakaamba kuli ndime kuti, sa inga Nda “kanana ku cipobwe ciniini” nca kajisi, kuti bamwi balongwe bakwe bamu makwebo kuba kookuno. Ee, Nseli mukanazi ncobeni. Nse—Nse taminini kuba boobo, pele Ndali kuyeyya kuti inga Nda cita. Inga lwaba lulemeko kuli ndime, kumane kuba a kutambwa mbuli oko, ku kanana ku i—i . . . balongwe bakwe bamakwebo.

⁵ Ndi jisi coolwe ca kweenda mu masi manji, koonse ku inyika. Elyo Ndi kanana kunji ku Mitabi ya Bantu Basimakwebo Bamakanimabotu Aazwide. Elyo Ndi lizi eci nciindi buyo ciniini ca luswaanano, aboobo Ndi yanda kutondezya cintucimwi eco cakali cibotu maningi ciindi cimwi. Kwakali muntu, Ne kamana kukanana . . . Bakali basimakwebo boonse. Elyo, aboobo, anze kwakali mulombwana wakasika kuli ndime, elyo wa kati, “Uli mukambausi, embo na?”

Elyo Nda kati, “Iiyi, munene.”

⁶ Wa kati, “Ino ulengelela nzi koonse kuli basimakwebo aba?”
Nda kati, “Ndime simakwebo.”

Aboobo wa kati, “Oh, uli obo?”

Elyo Nda kati, “Iiyi, Ndime—Ndime simakwebo.”

Kati, “Ino musyobo nzi wa makwebo mobede, munene?”

Elyo Nda kati, “Kaanzambwene Ka Buumi Butamani.”

⁷ Elyo ta kandimvvisya buyo kabotu. Nda caamba kufwambaana. Wa kati, “Oh, i—i Buumi Butamani Inshualensi.” Nse kaamba inshualensi; Nda kaamba kaanzambwene, alimwi wa... Pele Nse kamwaambila. Elyo wa kati, “I Buumi Butamani,” kati, “Ta ndizi. Nse syomi kuti Nda kasola ku bumvwa kale.”

Nda kati, “Cabija loko eco.”

Kati, “Ee,” wa kati, “ali kuli mahedikkota?”

Nda kati, “Julu.”

⁸ Ndi cili mu makwebo oyo. Ndi yanda kwaambaula bubambe kuli umwi wanu, kwamana kuswaangana, sunumasiku. Nda botelwa maningi a ncito yangu. Elyo, aboobo, alimwi Nse kaamba lino, “inshualensi,” Nda kati, “kaanzambwene.”

⁹ Inshualensi ili kabotu, mvvisya. Nda yeeya... Mubwini, Nse jisi ku ciindi eci kuba a cimwi.

¹⁰ Nda yeeya, ni Nda kamana kukwata, mukaintu wangu a Ndime twakali kkede mu ng’anda, buzuba bumwi. Elyo mweenzuma wangu mubotu... Mukwesu wangu ngu sikusambala inshualensi, Kumbo lyu Kumusanza. Oyu mulombe wakali sikusambalila ba Prudential. Nda kainka ku cikolo a nguwe, mulombe mubotu loko. Munyina wakwe-wakwe walemba *Kaanda Ka Mujulu*, nkambo, Nda syoma mukambausi wa Baptisti, alimwi ula lemba zyaano mu mutende muniini uitegwa *Kaanda Ka Mujulu*. Bantu babotu maningi. Aboobo wa kaboola kuzo ndibona, buzuba bumwi, elyo wa kati, wa kati, “Billy, Ndi—Ndi mvwa kuti waka jisi lumoola luniini ciindi cimwi ku inshualensi.”

Elyo Nda kati, “Iiyi.”

¹¹ Wa kati, “Ci baanga cakupa kulimvwa kuniini kubi kuli mbabo?”

Nda kati, “Peepe, kutali mbubonya.”

Wa kati, “Ndali kuyeyya kuti inga Nda boola a kwaambaula bubambe kuli nduwe, Billy.”

¹² Elyo Nda kati, “Ee,” Nda kati, “Wilmer, ndaku,” Nda kati, “pele Ndi—Ndi jisi kaanzambwene.”

Elyo wa kati, “Oh, Nda usa.”

¹³ Elyo mukaintu wangu waka ndilanga, mbuli kuti Nda kali sikuupaupa. Waa kalizi kuti Nse kajisi ili yoonse. Waa kandilanga cakugambwa. Nda kati...

¹⁴ “Oh,” wa kati, “Nda usa, Billy.” Kweelede kuti Nda kali kujisi a mukwesu wangu, Jesse. Elyo Nda kati . . .

Mukaintu wangu waka ndilanga. Elyo wa . . . Nda kati, “Iiyi, Ndi jisi kaanzambwene.”

Elyo wa kati, “Ino ni kkampani nzi?”

Elyo Nda kamwaambilia cintu nciconya, “I Buumi Butamani.”

Elyo wa kati, “Oh,” kati, “sa mbo ibede?”

¹⁵ Elyo Nda kati, “Inzya. Ndi jisi: Kaanzambwene kalelekewa, Jesu ngu wangu! Oh, ino nkulabila kwa bulewu Bwabuleza! Ndime swaana wa lufutuko, wakaulwa aa Leza, Wakazyalwa ku Muuya Wakwe, wakasanzigwa mu Bulowa Bwakwe.

¹⁶ Wa kati, “Billy, eco ncibotu loko. Nda cilumba eco. Pele eco taci kakubikki atala awa mu namaumbwe.”

¹⁷ “Pele,” Nda kati, “ciyo ndigusya. Nse pengaani . . .” Uh-huh. Inzya. Nse libiliki makani akunjila; cili mukuzwa.

¹⁸ Ndi ciyanda kwaambaula bubambe kuli ndinywe, kwamana kuswaangana, ikuti . . . Ndili masimpe kuti Cili luleme.

¹⁹ Lino, kanji Ndi jisi bantu kwiimikila cindi twa bala Ijwi, pele, sunumasiku, Ndiyo sola kusotoka ceeco nkaambo nciyumu loko-loko kuli ndinywe kwiimikila. Pele katutana buyo kubala Ijwi, atu kotamike mitwe yesu kwa kaindi kaniini, mbuli mbo tu kanana kuli Mukamwini wa Ijwi. Mbali mbo twa kali kubaanga jesweena umwi aumwi, a kubaanga nkutola ansi, na, mbuli mbo tu ciita, “kulosa masusu esu.” Aboobo atu sike ku lubazu lusetekene lino, a lusinizyo, a kusandula myoyo yesu kuya ku Julu mbuli mbo tu jula Ijwi. Lino kufumbwa muntu ukonzya kweenzya maanza akwe inga wajula Bbaibbele, pele taakwe muntu ukonzya ncobeni kujula kumvwisya pele Muuya Uusalala mulemu, aboobo atu kanane kuli Nguwe.

²⁰ Taata wesu Wakujulu, twa ba masimpe, sunumasiku, ku kubungana okuno a nkamu eyi ya bantu, lubazu olu lwa Butamani, a kuba a luswaanano olu lubotu. Elyo mbuli mbo tukkala kuzunguluka matafule aya, sunumasiku, katulangide koonse kuli umwi aumwi, a basimakwebo ma a—a Banakristo, tu lizi kuti kuboola ciindi cimbiri nco tuyu swaangana. Tu syoma kuti toonse tu yooba Okuya, bantubonse baliko ku Cilalilo eco cipati ca mucado mu luwo, cindi Mwaamiaku yutuka, kusinda misozi yoonse kuzwa ku meso esu, a kwaamba, “Ca citwa kabotu, balanda Bangu babotu a basyomeka, njila mu lutangalo lwa Mwami, eyo yaka bambilwa ndinywe kuzwa ku malengelo aa inyika.”

²¹ Ikuti na kwaba bamwi, Mwami, abo bata Ku zyi mu nzila eyo, elyo Nda komba sunumasiku kuti cintucimwi ciyo citwa na kwaamba eco ciyo bacitya kucinca nzila yabo ya kuyeeaya,

amucebukile kuli Nduwe; naa nkouli awa, na kwinda ku i—i nzila ya televizhioni, na ku mateepu ayo unka kuzwa kuli ceeci.

²² Tu longezye antoomwe lino, a kulongezya kubala kwa Ijwi Lyako. Sandula myoyo yesu a miyeeyo kuya ku mamanino aa buumi obu, a ceeeo ciyooba ciimo cesu ku ciindi eco. Nkambo tuli masimpe, Taata, kuti toonse swebo tweelede kusiya nyika eyi. Tuli bafwika, alimwi atu lange kuli Umwi Uutamani, Umwi alikke ukonzya kutupa Buumi kwiindilila ceeci. Kwiinda mu Zina lyा Mwana Wakwe, Jesu Kristo, twa cilomba. Ameni.

²³ Ndi yanda kwiita kuteelela kwanu, kwa kaindi kaniini lino, ku kubala kwa Ijwi lyा Leza. Ndi yanda kutalika kubala kuzwa ku Makanimabotu aa Musalali Marko, Ndi yeeya kuti cipati 10, a kutalikila kampango ka 17.

*Elyo cindi na kaunka mu nzila, mpaawo kwa kaboola
kuli nguwe umwi kazusa, a kufugama ansi... a kumu
buzya, kaamba, Simalela Mubotu, ino Ndi cite buti kuti
Nka konzye kukona buumi butamani?*

...Jesu wakati kuli nguwe, “Nkaambonzi nco ndiita
kuti mubotu? taakwe mubotu cita omwe, nkabela oyo
ngu, Leza.

*Yebo uliizi milao, Uta citi bumambi, Uta jayi, Uta bbi,
Utapi kelengeleyi kaambo kabubeji, Uta nyengeleli,
lemeke bauso a banyoko.*

*Elyo wa kaingula a ku mwaambila kuti, Simalela,
zintu ezi zyoonse Nda kazicita kuzwida ku bwana
bwangu.*

*Mpaawo Jesu waka mulanga caku muyanda, a ku
mwaambila kuti, Kuli cintu comwe ncobulide: koya mu
lweendo lwako, ukasambale kufumbwa cintu nco jisi,
a kucipa ku bacete, elyo uyooba a lubono ku julu: a
kuboola, a kubweza cingano cako, a kundi tobela.*

*Elyo wa kausa ku kwaamba oko, elyo wakazwa
kanyongene: nkambo wa kajisi lukono lupati.*

²⁴ Akube kuti Mwami ayungizye zilongezyo Zyakwe ku Ijwi mbuli mbo tusoleka kujana kuzwa ku cibalo eci a ciiyo. Lino kuyeyea aa ciiyo ca kuba a bantu basimakwebo, alimwi lyoonse Ndi yeeya kuti bantu basimakwebo bala bikkila maanu lyoonse mu—mu buyobozi bubotu, kutegwa Ndi ite cibalo eno kwa ciindi cisyoonto cicilila: *I Buyobozi*.

²⁵ Ii simakwebo mubotu lyoonse uyandaula ii—ii buyobozi, bubotu butonkomene. Ikuti na tali obo, nkokuti tali simakwebo mubotu. We elede kulangila cintucimwi eco cini.

²⁶ Elyo Ndi yanda kwaambaula kuli ndinywe ku kutambwa oko Nkwe mupa ziindi zisyoonto zyainda, a bubambe obu wa Buumi Butamani, mbuli mbo Nda kalizibya Iwangu mbuli i—i simakwebo. Alimwi Ndi jisi makwebo, alimwi Ndi yanda

kwaambaula kuli ndinywe ziindi zisyoonto kujatikizya ngawo. Elyo Magwalo masyoonto Nge lembede awa, a cibalo, Ndi yanda kubelesya aya kwa ziindi zisyoonto, bulembu obu.

²⁷ Tauli ii—ii makwebo mabotu aa kuuma njuka. Kufumbwa muntu ulizi obo, kuti kuuma njuka taali makwebo, nkaambo nkulya coolwe. To boni, na kubona sinjuka kutali kanji... Bumwi buzuba walo muntu muvubi, alimwi buzuba butobelwa walo mukumbizi. Aboobo utola ciindi cinji loko, ca—ca kuuma njuka. Ndi yeeya kuti ii—ii sinjuka walo—walo uponena buyo ku cibukilambuta cakuta kanzila, a kuta langila kumbele ku ciindi ciza, nape nata kaba kuuma njuka.

²⁸ Alimwi nse syomi mu buyobozi obu bwa kuvuba mu kaindi kaniini, akwalo, ku makwebo ata zizilwe kabotu. Lino, kufumbwa simakwebo mubotu inga ta bweza ciindi ceelede mbuli eco, ndiza aa buumi bwako—bwako kuyobola, kuvola kwako; alimwi inga wa kuyobola mu kuba abusiku bwa kububa mu kaindi kaniini cakufwambaana. Elyo taku zizilwi kabotu. Muntu umwi wazuzila mukati a musyobo umwi wa muzeezo, kuti, “Mpaawa tu—tu jisi kkampani imwi awa,” kwiina ntalisyo kuli njiyo. Ndi yeeya kuti muntu, mubotu musongo inga waba mufubafuba kusola kucita buyobozi muli yeeyo ii—ii kkampani mbuli eyo.

²⁹ Nkaambo, Nda kajisi mweenzuma, ciindi cimwi, oyo—oyo waka soleka cintu cili boobo. Elyo, cindi na kacita, wa—wa kasweekelwa zintuzyonse nzya kajisi, alimwi wa kasweekelwa koonse kuvola kwa buumi bwakwe. Katandila kucita ritaya, elyo wa kayeeya, “Ee, Ndiyo—Ndiyo bweza coolwe,” nkaambo muntu wakali kuboneka kuba wa kalizi eco ncakali kwaambaula. Pele, kaboola kujana kuti, i—i kkampani yakali buyo kkampani ya kulicenggeezya, alimwi kwiina mastoku na cintu, aboobo mulombwana mucete waka sweekelwa zyonse nzya kajisi.

³⁰ Aboobo Ndi yeeya kuti, ikuti na muntu uyanda kubamba buyobozi bubotu, weelede kulingula kkampani yakwe lutaanzi, na kufumbwa nzya bamba mu buyobozi bwakwe, akuziba eco neya kucita. Ndi yeeya kuti kufumbwa muntu ueyeeya kabotu inga wacita eco.

³¹ Elyo mpawo alubo, Nke tana zumanana, Ndi yanda kwaamba kuti, tauli muzeezo mubotu wa kubamba mali ako mu nkomo yako. Bantu banji balati, “Ndiyo—Ndiyo cibikka buyo mu nkomo yangu, elyo Ndi—Ndi...elyo Nda cijana.” Pele, nywebo mulizi, nywebo nobasimakwebo a banakazi, tamu yeeyi mu bwaambe obo. Alimwi tacili cintu cibotu, nkaambo inga cabbigwa.

³² Ncibotu loko kwabikka mu kubeleka. Mbuli Mwami mbwa kaamba, ciindi cimwi, Wa kapa matalenta manji loko manji loko, a boobu, elyo mpawo wa...ba kacita buyobozi ancico. Elyo abo bakapanga buyobozi, bubotu, Wa kabapa mpindu. Pele

cindi muntu umwi nakati, "Nda—Nda kacibamba buyo. Nse—Nse kali kuyanda kulya coolwe cili conse ali ncico. Nda—Nda—Nda cibikka mu nkomo yangu. Na, Nda kacizikka kubusena bumwi." Mpawo Wa kabweza eco Nca kapa kuli nguwe, a kuli bikka mumwi moli konzya kujana mpindu inji, oko kuli bikka mu buyobozi bubotu. Eyo nje nzila ya Mwami wesu yakucita zintu.

³³ Lino, pele ikuti na tuyanda kuyobola mu cintucimwi eco nco mwakali kuyanda kuba masimpe mukati, inga wajana kkampani mbotu, iila buyaame, eyo yakatondezegwa kupa bulumbu bubotu. lino, obo mbuyobozi, bubotu butonkomene. Wamana kusoleka kkampani, waziba matalikilo ayo, kaambaula a muntuumwi oyo wakacita makwebo a kkampani eyi, akuvva bumboni bwa wonse kuti, "Ili kabotu kumaninina. Bali a mbaakan yeelede ku mpindu yabo. Elyo—elyo kuli ntalisyo ya kasensa kapati kunze lya nkako, eyo kkampani tiii kabuli mali." Alimwi obo mbuyobozi, bubotu butonkomene. Elyo lino, kwiinda mu buumi boonse, bantu baka yiisigwa ceeco.

³⁴ Lino sunumasiku tukanana a Lugwalo, lwa mulombwana muniini Muhebrayo, oyo wakali ii—ii musyobo wa musankwa wakavubide maningi. Kwayanda wa kazwa ku ng'anda mbotu loko, kwiina kuzumbauzya. Bumboni bwakwe bwaka tondezya kuti wakazwa ku ii—ii muunzi mubotu. Wa kaitwa, mu Bbaibble, "mweenedelezi mukubusyi muvubi." Ndiyo kucinca sunumasiku, anini buyo, kwaamba, "simakwebo mukubusyi muvubi," nkaambo wa kajisi makwebo, alimwi wa kali kubikkila maanu mu—mu makwebo. Elyo kwiina kuzumbauzya bawisi bakali basimakwebo bakazwidilila maningi, na antela nata kajisi eco nca kajisi. Pele wa kakomezegwa ku—ku ba simakwebo.

³⁵ Elyo wa kabona cintucimwi mu Mulombwana oyu mukubusyi waku Galilaya, oyu Musinsimi mukubusyi wa Zina lya Jesu waku Nazareta. Kwiina kuzumbauzya wa kamvwa mupaizi wakwe kaamba kujatikizya Nguwe, alimwi ndiza kulwana Nguwe. Pele cindi na kajana kuniini kwakwe kutaanzi ku Mwami Jesu, kwakali cintucimwi kujatikizya Nguwe cakali andeene kuzwa ku muntu umwi umbi.

³⁶ Elyo Nda amba eci, mbuli Munakristo, ta cina cinca ncobeni. Tu jisi basilwiiyo batapi babukombi mu cisi, moonse mu inyika, twa kali bajisi kwa myaka ili zyuulu, oyo ukonzya kuzibya kuli ndiswe ii—ii kayanza kabuzumini. Elyo baka yiisigwa mu tunsiyansiya oto, a mbungano eyo—eyo ni mbungano yakayakwa kabotu. Pele oyo tauli mulazyo wangu—wangu sunumasiku Ngwe kanana. Nda ambaula kujatikizya Buumi Butamani.

³⁷ Elyo mulombwana oyu mukubusyi, mukuziba kuti wa kali cizo ca mbungano, pele mukubona muli Jesu cintucimwi candeene. Aboobo wa kapegwa ciindi ca kucita buyobozi, cindi

na kajana Jesu a kubona eco Nca kali kucita. Elyo wakabala Bbaibbele lyakwe, a kubona muli Jesu kuti cintu eco nca kamvwa basinsimi bakwe kabala mu mbungano yakwe, a boobo mbo bakabede. Elyo ta kajisi kuzumbaunya kuti wakaiya eco. Elyo mpawo cindi na kabona muli oyu Jesu waku Nazareta, oyo wakali kuyeyelwa kuba akati ka bantu, Musinsimi, wa kabona cintucimwi mu Muntu oyu caka Mu zibya a Magwalo.

³⁸ Elyo Ndi yeeya kuti, sunu, tacina cinca maningi. Babali ba bbaibbele a bayanda Bbaibbele, cindi twaba akusondela kwini mu bupampu bwasu, obo Jesu mbwakabede a boobo Mbwa bede, cicinca kulanganya kwesu koonsé. Taakwe umwi uli mbuli Nguwe, takukwe makani obo bubotu. Twa kati tu mvwa kuti Wa... Tu yeeyela kuti Ta kajisi kwiiya kunji, alimwi Wa kaambaula mbuli muntu uzizilwe, a kusama mbuli muntu uzizilwe, a kupona a muntu uzizilwe. Pele nekubaboobo kwakali cintucimwi cakalibonya kabotu kujatikizya Muntu oyu, nkabela caka kwelelezya kumvwa kwa mulombwana oyu mukubusyi. Cakuti, wa kajisi lubono loonse lwa inyika, antela, olo ndwa kali kuyandikana a kubelesya mu ciindi cakwe cabuumi, nkabela wa kali kkutilide kabotu a ceeco. Pele wa kabona kuti oyu Muntu wakalanga ciciza a kubaambila zintu zyakali kuboola, a kulizibya Mwini mu Lugwalo, nkabela Leza wakalizibya Mwini mu Muntu.

³⁹ Lino kwiina muntu oyo uupona, oyo uuli mu muzeezo wakwe uululeme, pele cita oyo uubuzya oko nkwa kazwida, kuti nguni, alimwi uya kuli? Kwakali mabbuku manji akalembwa, basilwiiyo lwabulenye bakabuka a kuwa. Pele kuli biyo Bbuku lyomwe liyo kwaambila kuti nduweni, oko nkozwa, alimwi oko nkoya, alimwi eelyo ndi Bbaibbele. Eelyo nde Bbuku lilikke. Lya mabbuku oonse mabotu nge tujisi, inga mwa sowa, cimwi acimwi. Obu Mbwini. Kufumbwa cintu ciimpene kuli Obu tabuli kabotu. "Majulu a nyika ziyo loba, pele Ijwi Lyangu tali kakakilwi. Ijwi lya muntu oonse liyooba bubeji; lya Leza liyooba bwini."

⁴⁰ Elyo cindi wabona cintucimwi cini kumbele lyako, a Magwalo aka syomezegwa ku buzuba obo, obo Mesiya mbwa keelede kuba. Elyo oyu mwaalumi mukubusyi wakabona eco cakazabisigwa aa Leza, mpawo eco cakabamba Jesu kwiindana cakumaninina kuzwa ku muntu umbi uli oonse ngwa kasola kubona. Aboobo, wa kapegwa coolwe.

⁴¹ Cindi na kajana Mwami Jesu, alimwi antela waka Mu bona mu miswaangano Yakwe a mulimo Wakwe, wa kazuzila kuli Nguwe a kuwida ku matende Akwe, katondezya kulanganya kwakwe kwa kulanganya kwakali kabotu.

⁴² Elyo wa kati, "Simalela Mubotu, ino inga Nda citanzi kuba a Buumi Butamani?" Lino eco nce cintu cili mu mubuzyo. Kutali mali akwe, na pe, "Sa inga Nda sangana mbungano Yako,

Munene? Na sa inga Nda zulilwa ku kabunga Kako?” Pele, “Ino Nde elede kucita nzi kuba a Buumi Butamani?” Oyo wakali mubuzyo.

⁴³ Elyo wa kapegwa ciindi ca Kuu tambula, pele wa kabamba muzeezo wa kugubila. Wa kali... ka cikaka. Ta kali kubikkila maanu, cindi na kajana eco ca keenda a ncico. Wa kamvwisya, kuti kutegwa kucitwe ceecei, wa kacita kuleka mpuwo yakwe. Nkaambo, Jesu wakanyina mpuwo, wakasyomwa akati, inga Nda amba canguzu, peseenti ili makumi ali fuka iya bantu, na ndiza peseenti ili makumi ali fuka aosanwe mboya kabede. Ta kasyomwa, mbuli muntu umwi wa muuya “mubi,” alimwi wakaitwa, kwiinda kuli banji, “Bezebule,” i dyabulosi.

⁴⁴ Elyo, nekubaboobo, Magwalo ka Mu zibya cakulondoka. Wa katondeka kusule kuli mbabo, kaamba, “Amulingule Magwalo, nkambo muli Ngawo muyeeya kuti mujisi Buumi Butamani. Elyo Nge Ngawo ayo aa Ndi lungulula, na kuziba Obo Mbwe bede.”

⁴⁵ Oyu mulombe mu Hebrayo, muku komezegwa mu ng’anda, a kuziba kuti Bbaibbele lyaka—lyaka baambila cantangalala, Maskroo, Leza, Jehova, wakaamba kuti, “Ikuti na kulibusya umwi akati kanu, uli ngu simuuya, na musinsimi, Nde Mwami njo lizibya Lwangu kuli nguwe mu zilengaano. Elyo ikuti na eco ncaamba cacitika, mpawo amumvwe musinsimi oyo, nkambo Ndili a nguwe. Pele ikuti na ta cicitiki, nkokuti muta ciswiilili.”

⁴⁶ Eco ncisyobo cuubauba. Nku yeeya biyo kuli kabotu. Ikuti na wa kacaamba, nkabela ta cicitiki, nkokuti mbubeji; Leza taka caamba. Pele na wati, alimwi ca—ca citika, obo mbwini; nkabela taakwe ciinda, ciinda kuba bwini loko kwinda bwini.

⁴⁷ Aboobo oyu mwaalumi mukubusyi waka bona eci mu Mwami Jesu, alimwi wakalizi kuti Wa kajatilila zjaluzyo ku Buumi obu Butamani, alimwi wa kali kuyanda obu Buumi Butamani, pele wakakaka coolwe ca kubamba buyobozi bwakwe. Ta kali kubikkila maanu mu buyobozi buli boobo. Nekubakuti i...

⁴⁸ Wa kalizibya kabotu kuti Wa kali Mwana wa Leza. Ula lizibya cakulondoka. I nakalindu wakamita, kazyala Mwana. Wa kacita citondezyo coonse eco Mesiya nca keelede kucita.

⁴⁹ Pele kutegwa a Mu tambule, wa kacita kuzwa ku kansiyansiya kakwe. Wa kacita kuzwa kuli nkako.

⁵⁰ Tu yanda kusanga eco biyo ku i...oyu mulombe mu Juda, pele ncibi loko kuti tweede ku cibona akwalo, sunu, nzila njiyonya. Walo muulu mupati. Inga twa sanga ku mambungano asunu. Elyo ziindi zinji, bantu abo baliita kuti mbasyomi, alimwi tatuli bambilide kulipambula tobeni akuzwa ku zintu zya inyika, mbuli oyu mweendelezi mukubusyi mbwa kaambilwa kucita, kuba a mulao wa Buumi Butamani. Nekubaboobo, kumane, akwalo tula Li bona kalizibya kabotu kwiinda ku

Lugwalo, kuti Mabambe acili mukupegwa kuli oonse uyanda ku Li tambula.

⁵¹ Mbali Mbwe kaamba, wa kabona cintucimwi muli Jesu, taakwe muntu waka jisi, pele muulo wakali mupati loko cakuti takali kuyanda kubbadela muulo.

⁵² Ncintu nciconya asunu. Mbali Mbwe syoma, sunumasiku, inga Nda kanana ku tubungwe twandeene, Methodisti, Baptisti, Presbyteria, Katolika yaba Roma, Juda ba Orthodoxisi, Buddha, kufumbwa bambi, abo mbantu basimakwebo ba madolopo. Pele kuli, kasimpe, cindi wabona cintucimwi a meso ako eni, eco Magwalo ncazibya kuba bwini; inga twaba bantu batali kabotu lok, cakuti, ikuti na tu yandisyia Buumi Butamani, ku Bu kaka. Inga waba ii—ii kusala kwa kugubila mbuli oyu mwaalumi mukubusyi mbwa kapanga. Ziindi zinji, abalo bapaizi besu sunu bacita bulubizi obu mbubonya bwa kugubila, nekubakuti basicikolo bapati bakalondolwa mu tuyanza twabuzumini, abo bacizyi A kusika ku Z. Pele, amuyeeye, abo bapaizi mu buzuba obo bakalizi mabbuku aa mapepa, kuzwa ku A kusika ku Z, abalo, pele baakakilwa kubona eco mwaalumi oyu mukubusyi nca kabona.

⁵³ Elyo wa kali kubikkila maanu muli—muli Jesu kamupa Buumi Butamani. Pele cindi na kajana eco cakali kuyo mutolela, mpawo takali kubikkila maanu.

⁵⁴ Nywebo mulizi, Bbaibbele lila twaambila, mu bukkalo obu mbo tupona. Mbali Mukwesu wesu siluzyalo loko Pearry ano mbwa tondezya kuli ndiswe, kuti wa kasyoma kuti cakali mu mazuba aakumamanino. Nda syoma ncobeni, canguzu eco a moyo wangu oonse. Nda syoma Lugwalo lula cizibya.

⁵⁵ Nda syoma kuti—kuti—kuti sayaansi ila cizibya. Basayaansi balati, “Maminiti otatwe kutandila akatikamasiku.” I—i... Mabambe esu ngo tubona aa cipekupeku a—a aa redio, a—a nzila bantu besu mbo balilemeka, cili...

⁵⁶ Mbali mbo Nda kaamba awa na kubusena bumwi bumbi, kuti cila ndiyeezya, kulilemeka kumwi koonse nko bacita, cila ndiyeezya mulombe munii kainda mu namaumbwe ciindi camasiku, kayabusiba, kusola kulibamba mwini kuyeeya kuti ta yoowede, pele mbwa bede.

⁵⁷ Eelyp nde penzi ku kunyona kwesu koonse nko tucita sunu, koonse kuzumanana kwesu kwa mpuwo. Tu sola kubamba bantu kuyeeya kuti ta tuzi kuti oora lili afwaafwi, pele tu lizi mbo cibede. Banasayaansi besu bali cizyi. Besu... I pentagon ilizi. Boonse, tu lizi kuti kuli cintucimwi cilibambilka kucitika. Yebo, inga wa cimvwa ncobeni mu bube, alimwi tu lizi kuti cili afwaafwi.

⁵⁸ Elyo Bbaibbele lyesu lila twaambila, mu Ciyubunuzyo cipati 3, kuti mbungano mu bukkalo obu iyo lizibya mbubonya mbuli oyu mulombe, mukubusyi, mu Hebrayo, “bavubi, taakwe

nco bulide,” obu Bukkalo bwa Laodikeya. Ikuti na kwaba bakutausi awa, na basikubala ba Bbaibbele. Obu Mbukkalo bwa Laodikeya. Elyo bwa kati, “Nkaambo Ndili vubide, iibambidwe mbuli namalelo, taakwe cintu ncebula.” Kati, “Tozyi kuti ulipengede, mucete, moofu, uusampaukide, sicinswe, nkabela to cizyi.” I cintu cakuusa ca kabalululo aka ka Lugwalo nku . . .

⁵⁹ Ikuti na twa kabona mwaalumi na muntu mu kagwagwa, oyo wakali moofu a sicinswe a uusampaukide a mucete, oyo wakali kuyooba ii—ii kukubona kuyoosya. Taakwe muntu cita oyo unga wazuzila kuli mbabo cakufwambaana mbuli mbo bakali kukonzya, a kwaamba, “Mweenzuma, uli cinswe. We elede—we elede . . . Wa yutululwa. Konjila, cakufwambaana, alimwi—alimwi—alimwi andi mupe zyakusama zimwi. Elyo Njo kutola kubusena bumwi kuyo bona ikuti na Nda konzya kujana musilisi, kutegwa bakonzye kubooyza kukubona kwako,” na kusola kucita cintucimwi ca muntu.

⁶⁰ Ino kuti wa kaswaana muntu uli booboo mbuli oyo, elyo inga bavuulukila kuli nduwe a ku kwaambilka kucita makwebo ako eni? Ta bazi akwalo kuti bali mu ciimo eco. Lino ikuti na uli booboo, a ku ciziba, tacili cibyaabi loko. Pele cindi wanooli booboo, nkabela to cizyi, eco ncibeela cibi. To konzyi ku baambilka.

⁶¹ Elyo olu Lugwalo lweelede kuzulila, mbuli Magwalo oonse mbwa elede kuzulizigwa. I Bbaibbele lyakati olu luyooba lukono mu mazuba akumamanino. Elyo bakaka Jesu, alimwi Wa kali aanze lya mbungano, kusola kunjila. Waka cikaka, cantangalala buyo mbuli Cihebrayo oyu mukubusyi mbwa kacita. Elyo eyi yakali mbungano ya Bamasi, mbungano ya Nabwinga, yakaitwa kuzwa, iitegwa “mbungano ya Bunakristo” mu mazuba aakumamanino, pele baka Mu bikka ku kaambo nkakonya simakwebo oyu mukubusyi muna Hebrayo waka Mu tanda. I muulo wakali mupati maningi. Tiiba kakonzya ku Ci tambula.

⁶² I Bbaibbele lya kaamba awa kuti bakali “vubide,” kati taakwe ncoba “kabulide.” Oyu mulombe mukubusyi wakali vubide, taakwe nca kabulide. “Tuli kabungwe kabotu ako kajisi malailile mapati ayo ayakidwe. Tu jisi bunyina. Tu jisi *eci* coonse, *eco*, na *cimbi*. Twa kajisi tunsiyansiya twesu kwa myaanda ya myaka. Twa kkala. Ta tuyandikani cintu. Muta twaambili cintu cili coonse kujatikizya Ncico!”

⁶³ Ee, oko nkulanganya kwa kamikami kwiinda mulombwana oyu mukubusyi mbwa kabweza. Ta kabweza musyobo oyo wa kulanganya. I Bbaibbele lya kaamba, kuti, “Jesu waka mulanga a ku muyanda.”

⁶⁴ Nda libuzya sunu, ikuti na akati ka lupyopyongano lwesu loonse a zyanyika yesu, elyo nekubaboobo kusola kujatilila Bunakristo bwesu kwaamba, ikuti na taluli luyandisyo lwa Leza lusungilizya mulimo kukkala mu masena akubelekela. Nda

libuzya ikuti na tacili cintu nciconya, mbuli awa mbo tu Mu jana kakonkomona aa mulyango, kusola kunjila. Lino tu jana zintu ezi, zyoonse kwiinda mu makkalo, yakali nzila eyi.

⁶⁵ Lino, ku kuvuna ciindi, kwaambaula polisi alubo, aku kutondezya aniini kuli ndinywe.

⁶⁶ Lino oyu mulombe muvubi, ta kalomba kusangana mbungano Yakwe. Wa-wa kali kuzulilwa ku mbungano. Ca kacitondezya.

⁶⁷ Jesu wakati kuli nguwe, "Kobamba milao. Uli ilizi. Uta citi bumambi. Uta bbi. Uta beji, kusofwaala. Elyo—elyo kucita, alimwi—alimwi mpawo kolemeka bauso a banyoko."

⁶⁸ Elyo oyu mulombwana mukubusyi wakatondezya kuti wa kali ii—ii mulombe, mubotu wakayiide kabotu loko, kutali buyo bamwi mbo tunga twa ita sunu, ii—ii cigebegna. Wa kali musyobo mubotu wa mulombe, waka komezegwa mu ng'anda mbotu. Wa kati, "Simalela, Nda kacita ezi kuzwa Ne kali mulombe, buumi bwangu boonse." Mwabona, caka tondezya kuti bazyali bakwe bakali bazyali babotu. Yakwe ya kaunka ku mbungano eyo yaka syoma mu kubamba milao. Pele nekubabooobo, mu mbungano, kubamba milao, nekubabooobo tii yakaingula eco nca kabona muli Jesu. Wa kalizi.

⁶⁹ A kayanza kesu kabuzumini a mbungano yesu, a kubamba milao, nekubabooobo tai tupi Buumi Butamani. Tii cakacita kaindi, naanka kuti cila cicita sunu. Kuli cintucimwi ncoedele kucita.

⁷⁰ Lino, tu jana kuti tii cakali kaambo kakuti takali membala wa mbungano. Tii kwaali kuti takali kulilemeka kabotu. Wa kali obo.

⁷¹ Pele inga twaba mamembala ambungano, akuli lemeka kabotu, pele katutana kujana Buumi Butamani. Kutali kuziba Ijwi; bamwi babo mbasilwiiyo lwabukombi, a basicikolo bapati, a bamayi ba zikolo zya Munsondo, mutoloki mupati wa Bbaibbele, pele eco ta caambi cintu cili coonse. Saatani ulizi kuti Bbaibbele kabotu kwiinda umwi wesu. I Bbaibbele lyakati, "Ku Mu ziba Mbuumi," kutali kuziba Ijwi. "Ku Mu ziba Mbuumi." Saatani awalo ula syoma a kukankama. Pele tweede kuba a luzibo lwa lufu, kuzikkwa, a bubuke, kuzwa ku buumi bwesu bwakale, kuya ku Buumi bupya obo buboola muli Kristo. Bu boola buyo kwiinda ku Muuya Uusalala, Buumi bupya.

⁷² Lino atu langelange bamwi bantu aba muciindi ca makkalo, abo baka jisi bubambe obu, a kubona naa bwakali kupu bulumba na pe. Mpawo Ndi yanda buyo kumuleta, mbuli Mbwe kamwaambila ku matalikilo, kuti mweelede kubuzya muntuumwi cindi nomuyo bamba buyobozi; ziba eco cakacitika, cintu, sa cilapa bulumbu. We elede kucita ceeco mu makwebo ako. Ndi yanda kukanana bamwi basikujata milao eyi.

⁷³ Nda leta kuswiilila kwanu, sunumasiku, kujoka ku Matalikilo, ku musinsimi wa zina lya Nowa. Nekubakuti wa kasolekwa mu nzila yoonse nja kali kukonzya, ku nzila yoonse Saatani nja kakonzya kumusola, ku mubamba kuleka bubambe obo; pele Nowa waka jisi cisyomezyo ca Leza, mulazyo wa Buumi, nkaambo Leza waka mwaambila kuti zintuzyonse kunze lya bwaato obo ziyo nyonyoonwa, alimwi nekubakuti cilibonya kuba ceenzu ku bantu bajisi kuyeeya kwasunu ba buzuba obuno.

⁷⁴ Eco nce cibamba Makanimabotu sunu. Nkugambya, nkaambo Leza ula gambya. Ijwi Lyakwe lyapandululwa bweenzu kuli ceeco nco tujisi ziindizimwi Lya pandulula.

⁷⁵ Pele, mbuli Mbwe kaamba kale, Leza tayandi umwi kupandulula Ijwi Lyakwe. Ula cita bupanduluzi Bwakwe Mwini kwiinda—kwiinda mu kuzwidilizya zintu ezyo Nzya kaamba kuti Uyo cita. Ula lipandulula Ijwi Lyakwe Mwini. Ta yandi bupanduluzi bwesu. Yalo, bupanduluzi bwesu mizeezo yesu ini yakapangwa aabantu eyo njo twa bikka a Njiyo.

⁷⁶ Cindi Leza nakati, “A kube mumuni,” nkabela kwakaba mumuni. Eco taciyandi bupanduluzi.

⁷⁷ Leza wakati, “Ii nakalindu uyo mita,” nkabela waa kacita. Eco taciyandi bupanduluzi buli boonse.

⁷⁸ Jesu wakati, “I Mwana wa muntu ulaunka kutala ku Jerusalemu a kupegwa mu maanza aa muntu sizibi. Bayo Mu bambula, nkabela muli bwatatu Uyo buka alimwi.” Eco ta ciyandi bupanduluzi.

⁷⁹ Wa kati, “Ii kaindi kaniini nkabela inyika tiika Ndi boni limbi; nekubabobo moyo Ndi bona, nkambo Njo oba a ndinywe, akwalo muli ndinywe, kusika ku mamanino aa bukkalo, kusika ku magolelo.” Mpali ano. Ta ciyandiki bupanduluzi buli boonse. Calo ncisyomezyo Cakwe.

⁸⁰ “I milimo Nje cita uyo icita awalo. Oyo uusyoma muli Ndime, milimo eyo Nje cita uyo icita awalo.” Eco cijanwa mu Musalali Johane 14:12. Elyo tu lizi kuti obo mbwini, aboobo tac i yandi bupanduluzi buli boonse.

⁸¹ Nowa, a Ijwi lya Leza, waka jatilila kuli Ndilyo, nkaambo wa kali mwiiminizi wa Buumi inshualensi, Buumi kaanzambwene. Wa kajisi bubambe. Alimwi wa kajisi mwiiminizi ku bubambe, alimwi wa kaunka kuli koonse. Pele nkaambo tii caka jisi mpuwo, ta kakonzya kubamba muntu uli oonse ku cijata, mukwasyi wakwe buyo wini. Wa kali... Mulazyo wakwe—wakwe wakali kuboneka kuba wa buzuba boonse, ku bantu. Ci boneka cilwana kubuzyabuzya kwasayaansi kwa buzuba. “Mvula kaiseluka kuzwa ku julu.”

⁸² Tii yakalina wide aa nyika, mula yeeya. I inyika yakaima nji. Inga twa tondezya eco sunu, kuti ca kaima ciindi cimwi. Elyo

Leza waka tilaila ziteo kwiinda mu kutilaila, kuzwa ku tusensa mu nyika.

⁸³ Lino sayaansi, mu buzuba obo, antela yakali musongo loko kwiinda mboibede lino, nkaambo bakayaka zibumbwa zyamabwe a mapiramidi, a—a zimwi zimbi, zintu nzo twa takali kukonzya kucita sunu. Ta tujisi inguzu zyakali kukonzya—konzya kucicita, pele baka ciyaka. Elyo Ndi yeeyela kuti ndiza bakadubula mwheezi ujisi redar na kufumbwa ncoba kajisi mu buzuba obo.

⁸⁴ Jesu wakati, “Mbuli mbo kwakabede mu mazuba akwa Nowa,” lusumpuko lumbi lwaka kozyanisigwa kuli ceeco, “mbubonya mbo ciya kuba mu kuboola kwa Mwana wa muntu.”

⁸⁵ Tula bona awa calino oko nkoba fumbula milimo ya maanzi asunu okuno ku Mexico yakaindi, taakwe histori ya ncico, pee. Mwabona, kwayanda kwakali kuzwa ku bukkalo bumwi bumbi bwakainda.

⁸⁶ Jesu wakati, “Mbuli mbo kwakabede mu buzuba obo,” muntu musongo, mupampu. Pele ikuti na mbo cakabede, mpawo kuyooba mulao wa Buumi wakatuulwa ku bantu. Wa kaamba boobo.

⁸⁷ Elyo, Nowa, kwayanda ta konzya kupandulula. Mbuli sayaansi mboya kaamba, “Tula konzya kubweza zibelesyo a kutondezya kuti taakwe mvula kujulu okuya. Munene, uli sondokede.” Pele nekubaboobo wa kalizi Jwi eelyo lyakaambaula kuli nguwe kuti wakali Leza.

⁸⁸ Aboobo ikuti na Leza wakati, “Kwakali maanzi akazwa kutala,” nekubakuti kwakanyina maanzi, Leza ngu Elohimu, Umwi sikilibeda mwini. Ngu Umwi ulijisilidi zyonse. Ikuti na Wa kati, “Inga kwaba maanzi kutala okuya,” Ula konzya kubikka maanzi atala alya, akubamba Ijwi Lyakwe.

⁸⁹ Taata wesu Abrahamu, uuli ngu taata wa masi manji, ikuti na kwakacitika kuba bantu ba Juda bakkede munsi, bakalibusya nzila Bamasi mboba kaletwa mukati, Abrahamu wakali wisi wa masi manji, “Elyo ta kazungaana aa cisyomezyo ca Leza kwiinda mu kutasyoma,” wa kajisi bubambe awalo. Leza waka mubamba cisyomezyo, kuba taata wa masi manji, kutali biyo masi aba Hebrayo, pele masi ambi, kuti uyooba wisi wa ngawo.

⁹⁰ Amubone, mbuli mbwa kacita, cisyomezyo Leza nca kamupa cakali ca kugubila, munzila ya nguzuuzu. Wa kali a myaka ili makumi ali ciloba ayosanwe yakukomena, nkabela Sarah wakali makumi ali cisambomwe ayosanwe, katana jana cisyomezyo. Pele wa kalyandaanya mwini kuzwa kuli batasyomi, nkaambo wa kalizi kuti wakali sikukona wa bululami kwiinda ku luyando lwa Leza, alimwi tacikwe makani obo mbo cakatola ciindi cilamfu!

⁹¹ Antela mweezi mutaanzi wakainda ambali nkabela wa kati kuli Sarah, “Mbobuti mbo limvwa?”

“Kwiina lwandaano.”

⁹² Kati “Tu yooba a muvwanda, nekuba. Leza wakaamba boobo. Kozumanana a kubamba tusookesi. Bamba zintuzyonse. Leza wakati tuyo mutambula. Eco cila cibamba.”

I mwaka mutaanzi wakainda. “Oyandwa, mbobuti mbo limvwa?”

“Taakwe lwandaano.”

⁹³ “Ee, ayooba maleele mapati maningi kwiinda mbwa kabede ikuti na cacitika mweezi mutaanzi.”

⁹⁴ Mwabona, waa kali kutandila myaka ili kkumi yakainda yaku mweezi cindi cisyomezyo nicaka pegwa. Teeba kajisi bana. Waa kali musundi, nkabela wa kali musundi. Aboobo ba... Pele wa kacili jatilide mulao oyo, nkaambo lyakali Ijwi lya Leza, cisyomezyo. Ta kali kuyo sangana. Elyo Bbaibbele lya kaamba, kuti, “Abrahamu taka zungaana aa cisyomezyo ca Leza kwiinda mu kutasyoma; pele wakali muyumu, kalumbaizya Leza; mukuziba eci, kuti, Ula konzya kucita eco Nca kasyomezya kucita.” Aboobo mwana wakazyalwa, nkaambo kakuti wa kajisi i—i mulazyo.

⁹⁵ Nowa wakajata bubambe bwakwe, alimwi waka futula buumi bwakwe. Obo bwakali bulumbu. Kutali buyo buumi bwakwe, pele buumi bwa mukwasyi wakwe; bwaka bbadelwa, kwiinda ku kubavuna.

⁹⁶ Atwa ambaule sikuyobola umbi muli obu Buumi Butamani inshualensi. Daniele musinsimi, cindi mbuli mbo tunga twa ciita...Ikuti na inga mwa cijatila, mbuli bwaambe bwanyika; Nse elede ku cibamba, Nda yeeyela, okuno ku cikambaukilo. Ni nzila ilikke biyo Nje zyi ya kucibamba, “cindi tupapu notuli aansi.” Mwaami Nebukadinezara waka njila a kutola bana ba Israyeli nkaambo ba kazwa kuli Leza. Ba kajisi; kaba cicita zituuzyo zyabo zyoonse.

⁹⁷ Cindi Leza naka balomba kutuula tubelele a basune, azimwi zimbi, mwaalumi, mu Juda mubotu, wakeenda kuselemuka mugwagwa, a musune uneneede na—na—na kabelele kaniini kunsi lya kuboko kwakwe, aa buzuba bwa mulungo, kaselemukila kuyo cituula ku cibi cakwe, wa kali sinizizye cindi na kajaya kabelele ako, nkabela mupaizi waka kayasa, elyo wa kajatilila maanza akwe ali ncico, mukuziba kuti buumi bwaka tolwa kufutula buumi bwakwe, wa kali sinizizye muli ncico. Elyo kufumbwa kuti wakali sinizizye, cakali kabotu, pele ciindi cakasika nicakaba kansiyansiya ka mukwasyi, mpawo Leza wakati, Wa katuma musinsimi aa cilao, wa zina lya Isaya, Wa kati, “Zituuzyo zyanu, mapobwe aasetekene, zilanunka mu mpemo Yangu.”

⁹⁸ Oko nko tu jisi bantu. Twa sangana mbungano. Kwalo, kuli kabotu, tula cita zintu ezyo. Pele, yebo wati, sa uli Munakristo? “Ndili muna Methodisti. Ndili muna Baptisti. Ndili muna Presbyteria, Pentekoste, na cintucimwi cimbi.” Nkansiyansiya. Kwiina kunjila, mu kusinizya, limbi. Taba kagusyi, kweendelana a Magwalo a zintu. Ba pona buyo nzila ili yoonse njo bayanda. Ikuti na ba jisi mweembeli usola kubalulamika, bala mugwisya. Taba jisi cintu cakucita a nguwe ikuti na takonzyi kuleta Hollywood mu mbungano; mapobwe, misobano ya njuka, zilalilo zya misinza, a zintuzyonse zimbi; kulekela banakazi kulilemeka nzila ili yoonse njo bayanda, a kusama nzila ili yoonse njo bayanda, kutalilemeka kabotu, kufumbwa cintu. Kukwelelezya kwa nkvela kwaba ii—ii bweende bupywa. Alo mause.

⁹⁹ Jesu wakati, ku mwanakazi oyo. Inga koli mubotu mbuli mbo konzya kuba, pele uyo peda bwiinguzi ku bumambi ku buzuba bwa lubeta, ula sama zisani ezyo. Jesu wakati, “Kufumbwa muntu uulanga mwanakazi, caku musukama, wacita kale bumambi a nguwe mu moyo wakwe.” Alimwi takukwe makani mbotakwe kaambo, oyo sizibi uyopeda bwiinguzi ku mamambi, alimwi nduwe waka kutondezya. Nywebo no Banakristo, sa tamu fwibweeme? Mweelede kulilemeka mbuli bana basimbi ba Leza.

¹⁰⁰ Elyo nywebo no bantu, mamembala aa mbungano, bamadaikona, akwalo ku bakutausi, abo bayo zumizya bamakaintu banu kucita eco, mweelede kuba bana ba Leza. Eco tacimviki mbuli kulilemeka kwa mwana wa Leza a bupange bwa Wisi muli nguwe. Kuyoowa kwaamba cintucimwi nkaambo kabunga kayo mutanda. Mbo mbubo.

¹⁰¹ Daniele wakakanza myo wakwe kuti takali kuya kulisofwaazyu mu buyobozi bwakwe. Wa kakanza, “Takukwe makani eco inyika, obo mwaami mbwali muvubi, a nzila kunji mbwa sola kundi gusya mu zintu zya inyika, Tandi kacicit pe. Tandi kasofwaazyi buyobozi bwangu.”

¹⁰² O inyika ya Bunakristo, utasofwaazyi buyobozi bwako mbo kapanga mu Buumi Butamani. Uyo isofwaazyu.

¹⁰³ Daniele wakakanza kuti ta kacicit. Ca ka lumbula, kwiinda ku kuvuna buumi bwakwe cindi na kawaalilwa mu bulyango bwa balavu. Buyobozi bwakwe bwakapa bulumbu ncobeni.

¹⁰⁴ Ibana ba Hebrayo bakali kanzide kuti taba kakombi mutuni. Elyo caka bbadela, kwiinda ku kuvuna buumi bwabo mu bbila lya mulilo.

¹⁰⁵ Mpawo kwasika Simooni Petro, mu Farisi mubotu oyo waka yiisigwa a bawisi, kuti buzuba buyo boola kuti—kuti kuyo boola Mesiya. Kwiinda mu makkalo oonse, bantu ba Juda bakali kucilangila. Elyo kwiina kuzumbauzya kuti bawisi baka mwaambila, “Mwana . . .” Nda—Nda kabala kaano kaniini

ciindi cimwi, kujatikizya nkako, kwayanda kwakali kaano kabuyo. Nsyu ambi kuti kakatondezegwa kuba kabwini.

¹⁰⁶ Pele wa kati, “Nda kalandila ciindi ca Mesiya uboola.” Elyo kati, “Ndi—Ndi—Ndi lizi kuti ciindi eco kacitana sika, kuyooba misyobo yoonse ya tukamu twazilengwa zita tonkomene, zintu zyabubeji kaziyabuya. Pele, mwana, mbuli mu Hebrayo, twa kayiisigwa, mbuli ba Hebrayo, ku syoma basinsimi besu, nkambo Ijwi lya Mwami liboola ku basinsimi, alimwi walo alikke. I Mwami wakati, ‘Nse citi cintu citakuti Nda ciyubununa ku basinsimi Bangu lutaanzi.’ Elyo oyu Mesiya, kweendelana kuli Musa, ‘I Mwami Leza wanu uyo busya musinsimi aakati kanu, wa babunyoko, uuli mbuli ndime.’ Elyo Mesiya takabi sikuyiisa. Ta kabi kabungwe. Uyo oba musinsimi, alimwi Ijwi lya Mwami liyooba a Nguwe.”

Andreya wakamvwa Johane kaamba umwi uli boobo kaboola, “Sikubbizya.”

¹⁰⁷ Pele mpawo, buzuba bumwi, Simooni mwini wakeenda kumbele mu Busyu bwa oyu Jesu waku Nazareta. Elyo Mbwa kamulanga buyo, Wa kati, “Zina lyako ngu Simooni, alimwi uli mwana wa Jonasi.” Wa kagwisya mulao cakufwambaana loko. Wa kalizi kuti wakali Mesiya. Olo lwakali Lugwalo lwaka simpikizigwa lwa buzuba bwakwe, Mesiya. Mbobuti bamwi mbo bakakilwa kucibona?

¹⁰⁸ Kwakali umwi wakaimvwi, zina lya Filipo, oyo wakaunka kutandila mamaile ali kkumi aosanwe kuzunguluka mulundu, ku mulombwana wakaulikidwe Nataniyeli. Ba kajisi kwiiya kwa Bbaibbele antoomwe. Ndiza mubandi wabo wakali cintucimwi mbuli ceece, mbuli mbwa kamujana kunsi lya cisamu, kakomba. Wa kati, “Nataniyeli.” Mubwini, mukuba mulombwana wakatobela Jesu; kufumbwa muntu uutobela Jesu uyooba mulombwana mulome. Aboobo wa kamujana kakomba; wa—wa kalindila kaindi kaniini. Pele mwa cibona, taa kaambaula kuli nguwe kujatikizya magoovu akwe a olifa na zimwi. Wa kaunka kugama ku mbaakani, “Bool, ubone Oyo ngo twa jana: Jesu waku Nazareta, mwana wa Josefa.”

Kati, “Lino, sa inga kwaba cintu cili coonse cibotu cizwa mu Nazareta?”

Wa kati, “Bool, ubone.”

¹⁰⁹ Obo mbo bwiinguzi bubotu maningi muntu uli oonse mbwa konzya kupa bumbi. “Bool, uzo libonene lwako. Uta kkali ku ng’anda a kukazya. Boola, uzo ilangalanga omwini.”

¹¹⁰ Mu lweendo kuzunguluka, mubandi wabo kwayanda wakali mbuli boobu. Ndiza Nataniyeli wakati, “Yebo ulizi, twali kulangila Mesiya, kwa myaka. Nywebo mulizi, Filipo, nzila mbo twa kaiya eci. Baa, Nda syoma ikuti na Mesiya wasika, Leza uyo kwela tuzila ku Julu akulekela tuzila tupati kuseluka, nzila ya matantilo mpoonya awo (esu) lubuwa lupati lwa tempele oko

Kayafasi mupaizi wesu mupati nkabeda, nkabela Uyo amba kuti, ‘Ndili waano.’’ Mwabona? Pele eyo taili nzila Lugwalo mbolwa kaamba kuti Uyo boola.

¹¹¹ Uyo boola buyo nzila Lugwalo mbolwa kaamba. Wa kaboola mu musinsimi mbuli buyo Musa mbwa kabede, muntu buyo, sikweembela mbelele.

¹¹² Amubone, elyo cindi na kasika mu Busyu bwa Mesiya, alimwi Wa kali mu mundando na kukombela balwazi, na kufumbwa Nca kali kucita. Tu jana kuti Mesiya waka mulanga, a kuti, “Amubone mu Israyeli muli nguwe mutakwe luuni.”

¹¹³ Lino inga mwayeeya kuti kakali kaambo kakuti waka samide nzila eyo. Pele, amuyeeye, boonse bantu Bakujwe bakali kusama bukozyenye, citaulu cipati a cilezu, azimwi zimbi. Mula yeeya, Jesu wakeenda a mbabo, abalo, mu lweendo kuya ku Emau, buzuba boonse, kwiinde bubuke Bwakwe, nkabela tiiba ka Mu ziba akwalo. Wa kasamide nzila njionya.

¹¹⁴ Aboobo tu jana kuti mu Busyu obu upati Bwakwe, wa kati, “Rabi.” Oyu mu Hebrayo mubotu mukubusyi wakati, “Rabi, ndelili Noka ndiziba? Ndelili Niwa kasola kundi ziba, kundi ziba kuba ii—mu Israyeli, a kusyomeka, mpuwo Nje jisi? Tona ndibona pe. Mbobuti Mbo kandiziba?”

¹¹⁵ Elyo Wa kati, “Katana kwiita Filipo, cindi noli kunsi lyacisamu, Nda kubona.”

¹¹⁶ Wa kabweza bubambe. Kawida ku matende Akwe mbuli oyu mulombwana umbi mukubusyi mbwa kacita, kati, “Rabi, uli Mwana wa Leza. Uli Mwaami wa Israyeli.” Zina lyakwe talifwiki asunu.

¹¹⁷ Kuli mwanakazi muniini, inga Nda kanana nguwe nkaambo ka balindu baimvwi munsi. Oyu mulindu muniini takali mbuli nduwe. Waa kajisi ii—ii mulimo wakulilemeka kabotu kuli nguwe, a mbungano. Ndiza mwana umwi mukubusyi waka lekelwa mu tugwagwa, kalubide. Ndiza bazyali bakwe tiiba kamumamela. Waal kati mu Juda kucibela cimwi a Munamasi; waa kati mu Samaria.

¹¹⁸ Amuyeeye, kuli biyo mikowa yotatwe ya bantu, ikuti na Lugwalo lwesu luli luleme.

¹¹⁹ Elyo Leza andi jatile akwalo kwaamba “ikuti” Cili luleme. Cili luleme. Ngu Leza Mwini. “Ku matalikilo kwakali Ijwi, alimwi Ijwi lyakali antoomwe a Leza, nkabela Ijwi wakali Leza. Elyo Ijwi lyakaba mu mubili wabantu a kukkanla akati.” “I mbobuca nguwenya, sunu, amuya myaaka.”

Aboobo oyu mulindu mukubusyi muku tandwa.

¹²⁰ Lutaanzi, inga Nda pandulula bantu ba Hamu, Shemu a Jafeti. Lino swobo, Bamasi, twa kali bahedeni mu mazuba ayo, twa kali kukomba mituni, pele ba Juda a Bamasi bakali

kulangila Mesiya. Elyo Walo uboola biyo kuli baabo ba Mu langila.

¹²¹ Ziindizimwi sunu, tu laamba kuti tu Mu langila, a kubikka ma milioni a mabbilioni aa madollar mu zintu, a kuyaka tubunga twa buleya a zintu. Nda libuzya. Elyo bamamissionari kabafwanzala mu masena akubelekela, Ndi bazi, okuya sunumasiku kabakambauka, kakutakwe mabbusu. Twa kabikka mamilioni a mamilioni a mamilioni aamadollar ku bufubafuba, elyo mpawo, baa, incito yesu ini ilatapatila bumboni bwesu.

¹²² Pele ngooyu mwanakazi oyu mukubusyi, mbuli mbo tu muzi, waa kali mu Samaria. Jesu wakali mu lweendo Lwakwe kuya ku Jeriko, oko kuli kundi lya Jerusalema. Pele Wa kaunka koonse ku Samaria a kusika ku munzi uutegwa Sukari, a kutuma basikwiya kuyo ula zyakulya, zyakulya. Elyo kuciindi noba kaunkide, oyu mwanakazi mukubusyi wakasika kuzoteka maanzi, elyo Wa—Wa kati kuli nguwe, “Ko ndi letela akunywa.”

¹²³ Elyo waa kalanga koonse, ku Mu bona mukuba mu Juda, waa kati, “Tacili cilengwa kuti Uyo ndilomba ceeco.” Kati, “Uli mu Juda.”

¹²⁴ Wa kati, “Pele ikuti nolizi kuti Nguni ngo wambawida, nowa Ndi lomba aakunywa. Nda kupa maanzi kuti tobooli kuzoteka okuno.”

¹²⁵ Aboobo mubandi waka zumanana, kujatikizya bukombi, kumalekelo Wa kakwaba buumi bwakwe. Wa kati, “Koya kalete mulumi wako muboole okuno.”

Waa kati, “Nse jisi mulumi.”

¹²⁶ Kati, “Wa amba bwini. Wa kali jisi bosanwe, nkabela oyo ngo pona awe lino tali mulumi wako.”

¹²⁷ Lino mazuba masyoonto kakutanaba awo, bamayi a bama rabi ba buzuba obo, bantu abo bakeelede kuziba kabotu, kati, “Ngu Bezebule. Ula cita eco kwiinda ku muuya mubi.” Ba kacita kwiingula mbunga yabo. Aboobo bakapanga, kati, “Walo muuya mubi.”

¹²⁸ Elyo Jesu wakati, “Ndiyo mujatila kuli ceeco,” mulungo tii wakalina bambwa. “Pele cindi Muuya Uusalala wasika kucita cintu nciconya, ku Ci sampaula taku kajatilwi,” elyo tu lizi kuti caka citika cindi Titus, niba kamana kukaka Muuya Uusalala, Titus wakaumpa tempele a kusabalanganya ba Juda ku inyika yoonse. Elyo lino bali mukubungana alubo, nkuzulizya Lugwalo.

Lino, amubone, lino oyu mwanakazi mukubusyi.

¹²⁹ Cindi, abo ba Juda niba kabona eco kacicitwa, a ku Ciita kuti, “muuya mubi, muuya uutasalali,” i Bbaibbele lyakati, “kwiita Muuya wa Leza, kucita mulimo, Muuya uutasalali, dyabulosi,” mbuli musondi na mubi muntu umwi.

¹³⁰ Elyo mpawo, cakufwambaana, mwanakazi oyu wakalizi bwandeene. Cindi Na kati, "Koya kalete mulumi wako."

Waa kati, "Nse jisi."

¹³¹ Wa kati, "Wa amba bwini, nkaambo uli jisi bosanwe, nkabela oyo ngo pona awe, kutali mulumi wako."

¹³² Amulange eci. Cakufwambaana waa kati, "Munene, Nda kuziba kuti Uli Musinsimi." Amuyeeye, teeba kajisi basinsimi kutandila myaka ili myaanda yosanwe. Malaki wakali musinsimi wa Cihebrayo wamamanino. "Swebo, tu lizi kuti Mesiya ulaboola, nkabela eci ciyooba cizibyo ca Mesiya. Tu lizi, cindi Aku boola, eci ncencico Ncayo cita."

Jesu wakati, "Ndime Oyo ukanaana a nduwe."

¹³³ Elyo waa kabweza bubambe. Uh-huh. Elyo mu munzi waa kaunka, kuyo mwaisya Makani mabotu, ayo nga kajana Mesiya. Waa kajisi Buumi Butamani nkaambo waa kasyoma ali Nguwe. Mbobuti mbwa kaziba? Waa kabona cizibyo ca Lugwalo kacitondezegwa kwiinda kuli Nguwe.

¹³⁴ "Tu lizi kuti, cindi Mesiya aboola. Myaka ili myaanda yone tii twa kajisi musinsimi, alimwi, cindi Na boola, oyo uyooba muntu utobelaa cilao. Lino cindi Na boola, tuyoo Mu ziba, alimwi We elede kucita cintu eco neiconya."

¹³⁵ Kati, "Nde Ndime." Waa kabweza bubambe. Waa kali kubikkila maanu muli nguwe.

¹³⁶ Nikodemo. Ziindi zisyoonto, mu kujala lino. Nikodemo, rabi, muntu wakali kutandila myaka ili makumi ali lusele yakukomena. Wa kalamwa kuti kwakali cintucimwi kujatikizya Jesu oyo wakali andeene kwiinda muntu umbi, aboobo wa kali kuyanda mulao. Aboobo wa kasika masiku, ku mulao, nkabela wa kajana nkomwe kaijukide ku mulimo. Uh-huh.

¹³⁷ Lyoonse cili jukide. Cili jukide ku cipobwe. Cili jukide awo mu kagwagwa. Kuli jukide kuli konse na kuli umwi ulibambilide kucita makwebo, obu bubambe a yooyo ubujisi.

Wa kajana kuti nkomwe ili jukide. Wa kabweza bubambe.

¹³⁸ Lino tu lizi, muli Luka 24:49, Jesu nakamana kusala basikwiya Bakwe, bakali basikujata bubambe bwa Buumi Butamani. Aboobo lino, nywebo mulizi, mu bubambe bwa inshualensi bwalyonse, lyoonse bapa mpindu aatala. Aboobo baka tambulwa kale a kusalwa aa Jesu, aboobo bakaunka kutala ku Jerusalemu, kulindila mane ku Buzuba bwa Pentekoste, kuti bajane mpindu zyabo atala. Alimwi cakapa bulumbu, ku lubbizyo lwa Muuya Uusalala, a nguzu zya kutondezya Jesu Kristo.

¹³⁹ Methodisti, Baptisti, Presbyteria, Othodokisi, kufumbwa na nduweni, abo bataminina kuba Banakristo, nkaambonzi tamu citi mbubonya? Ula syoma ali Jesu Kristo a kuba cizo

ca mbungano, nkaambonzi toinki kutala ku Pentekoste, jana mpindu yako atala, nguzu zya Muuya Uusalala! Balo basijata bubambe baka cijana. Ula konzya, ayebo, ikuti na ula cisyoma a ku cisyoma ncobeni.

¹⁴⁰ Petro kaambaula kuli mbabo, kati, “I cisyomezyo cili kuli ndinywe a bana banu, kuli baabo bali kulaale, abalo boonse Mwami Leza wesi mbayo ita.” Ba kali kuyanda kuziba eco cakucita. Wa kati, “Amusanduke, umwi aumwi wanu, a kubapatizigwa mu Zina lya Jesu Kristo kuti mujatilwe zibi zyanu, nkabela muyo tambula cipego ca Muuya Uusalala.” Ca kali cisyomezyo.

¹⁴¹ Aboobo ikuti na nduwe sikulyaambilila buyo, sunumasiku, nkabela tona kujana mpindu yako atala, nkaambonzi toleti bubambe bwako, sunumasiku, andi bwaambaule antomwe anduwe asyoonto. Amufugame andime kwa maminiti masyoonto a kuziba ikuti na tacili boobo. Amu sinizye kujatikizya ncico. Cilapa bulumbu ndyoonya lino, ikuti na ujatilide bubambe. Uyo ziba bubambe, lusyomo lwako, ikuti na waamba kuti uli muli Leza. Ikuti na cili muli Leza a mu Ijwi Lyakwe, alimwi kutali mu mbungano imwi na kansiyansiya kakabungwe, pele kosyoma buyo muli Jesu Kristo, ciyo bbadela. Uli buzyi bubambe Bwakwe Mwini.

¹⁴² Kuleta syakacite umbi mukati, kwa kaindi buyo kaniini. Kwakali Muhebrayo umbi muvubi waka swaana Jesu buzuba bumwi kumane lufu Lwakwe, kuzikkwa, a bubuke.

¹⁴³ Ikuti na kweelede kuba mu Hebrayo awa, sunumasiku, na kufumbwa mbobede, Walo mu kubambilwa tacili ntamizyo pele eco nco konzya ku Mu swaana mpoonya awa, mbubonya buyo mbuli—mbuli mweendelezi muvubi mukubusyi mbwa ka Mu swaana. Ikuti na uyanda bubambe, Uli waano kuti acite mulimo.

¹⁴⁴ Kwakali muntu wa zina lya Saulo, alimwi wa kayiisiga mu kuiiisa koonse kupati a tunsiyansiya twa bantu bakwe. Gamaliyeli wakali mwiyi wakwe, umwi wa bamayi ba Hebrayo babotu maningi ba ciindi. Elyo Saulo wakali kusungwaala loko kuli ceeci, kusikila wa kauma Stefano a mabwe, na kupa bumboni kuli Stefano, na kucizumizya. Wakaja tilide mabbaki lya baabo, kuciindi na kazumizya, kuba a bwami kuzwa ku mupaizi mupati kuyo waala bantu boonse, ku mulao oyo, mu ntolongo, nkaambo wa kaambilwa a baalu bakwe, kuti, “Oyu Muntu takali musinsimi. Kwakanyina cintu ku Muntu oyu cita utatonkomene.” Elyo wa kajisi magwalo mu nkomo zyakwe, kaselemuka, nkaambo wa kamvwa kuti kwakali bamwi kumusanza ku Damasiko, kaba jisi mulao oyo. Elyo baka jana bulumbu atala ali ncico, alimwi bakali kucita zintu ncobeni.

¹⁴⁵ Elyo mupaizi mupati waka mwaambila, “Saulo, uli muntu musungu. Bweza bwami obu, kuzwa kuli ndime, kuselemukila okuya a kwaanga umwi aumwi wabo, nkaambo tabali cintu

cita bata citikicitiki, taakwe cintu kuli mbabo. Kamuya muka baange akuba bikka mu ntolongo. We elede kubajaya, kuba jaya, kuli kabotu. Koya uka bajane!”

¹⁴⁶ Saulo wakati, “Lulemeko lwako, munene, taata uusalala, Njo unka.” Kunselelo wa kaunka.

¹⁴⁷ Mu lweendo lwakwe kaselemuka, wa kali kuunka kutandila ileveni okuloko mu buzuba, munsi lya muunzi. Mpoomya biyo, kuzwa ku majulu kwa kaboola Musumpululu wa Mulilo, waka muuma kuwida ansi. Elyo wa kabuka kulanga, nkabela ngooyo wakali Musumpululu wa Mulilo kumbele lyakwe.

¹⁴⁸ Lino kutondezya ceeco kuli ndinywe. Wa kali mu Hebrayo, alimwi na taka konzya kukomba cintu cili coonse na kwiita cintu cili coonse Mwami, citakuti wa kalizi kuti wakali Mwami. Elyo wa kalizi, mbuli mwiiyi kunsi lya Gamaliyeli, kuti Angelo wa Mwami, oyo wakali Logosi wakazwa kuli Leza, oyo wakali Kristo waka basololela kwiinda mu nkanda, wakali mu ciimo ca Mumuni, Musumpululu wa Mulilo. Elyo cindi ni Ca kamuumma, elyo wa kalanga mujulu a ku Ci bona awo, wa kati, “Mwami.” Lino, na takaita cintu cita Ceeco, Mwami. Pele, mukuba mu Hebrayo, wa kalizi kuti Oyo wakali Jehova. Ako nkekaambo nca kajisi ciyubunuzyo, kakonzya kwaamba kuti Jesu wa Cizuminano Cipywa wakali Jehova wa Cakale. Eco cakali ciyubunuzyo cakwe, nkaambo wa kabona Jehova. Elyo wa kati, “Mwami, Ino Nduweni?”

¹⁴⁹ Wa kati, “Ndime Jesu, alimwi nciyumu kuli nduwe kusansa cibinzyo.” Elyo wa kagwisya mulao.

¹⁵⁰ Amweezyanisye bantu bobilo antoomwe. Umwi mu Hebrayo mukubusyi muvubi oyo wakali kuyanda kujatilila ku tunsiyansiya twabo; umwi umbi oyo wakalamwa. Umwi wabo waka Mu bona mbuli muntu, kuti Leza wakaba mu mubili wabantu kutegwa afwe a kugusya cibi.

¹⁵¹ I bulowa bwa tubelele a zintu, buumi bwakali omuya, tii bwaka konzya kusika ku musyomi, nkaambo mbuumi bwa kabelele, ta bujisi buntu muli mbubo, buumi bwa munyama. Pele oyu wakali Leza Mwini, alimwi, mpawo twa kazyalwa ku Muuya oyo, tuli bana balombe abasimbi iba Leza, Buumi obo bwakali aa Cituuzyo cesu.

Amweezyanisye baalumi bobilo antoomwe.

¹⁵² Ka Li bona kalisimpikizigwa, kuti Leza wakali muli Kristo. I nguonya Musumpululu wa Mulilo waka leta bantu Bakwe kwiinda mu nkanda, a kubaleta okuya, akusaninwa buzuba boonse. Amuyeeye, cindi Jesu nakali aa nyika, Wa kati, “Ndi zwa kwa Leza, alimwi Ndi inka kuli Leza.” Wa kali Musumpululu wa Mulilo waka tola bana kwiinda mu nkanda.

¹⁵³ I Bbaibbele lya kaamba, kuti, "Musa wakeezeezya buvubi bwa Kristo kuba lubono lunji maningi kwiinda olo lwa Egepita." Wa kasiya Egepita, ku kutobela Kristo.

¹⁵⁴ Cindi Na kali waano, oyo Musumpululu wa Mulilo waka imininwa muli Nguwe, Leza. Wa kati, "Ikuti na Nse citi milimo ya Taata Wangu, nkokuti muta Ndi syomi. I milimo ila mwaambila eco Nce elede kucita. Ikuti na Nse citi ceeeo, nkokuti muta cisyomi. Pele ikuti na tamu konzyi ku Ndi syoma . . ."

Ba kati, "Uli—Uli muntu ulibamba Lwako kuba Leza."

¹⁵⁵ Kati, "Ikuti na tamu konzyi ku Ndi syoma, mbuli Muntu, amusyome milimo. Ila Ndi lungulula." Mwabona?

¹⁵⁶ Lino, cindi Na kafwide, kazikkwa, wakabuka, wakatanta, mpaawa tula Mu jana alubo mu Musumpululu wa Mulilo oyo. Wa kazwa kwa Leza, a kuunka kuli Leza.

¹⁵⁷ Ucili Umwi nguwenya, Umwi nguonya lino. Amubone, masimpe, Umwi nguonya Mbwa kabede.

¹⁵⁸ Elyo cindi Paulo, na Saulo mpawo, wakaziba kuti Leza Jehova, Musumpululu wa Mulilo wa Cizuminano Cakale, wakaliitide Mwini kuti Jesu, wa kagwisya mulazyo wakwe. Wa kali libambilide kuli ncico mpawo.

¹⁵⁹ Ino nkusala kwa kugubila ku mweendelezi oyo mukubusyi! Ino ii . . . Obo mbwa elede kuba . . . Inzi, mbobuti mbwa konzya kucicita? [Kabeela katakweecintu aa teepu—Mul.]

¹⁶⁰ Ino inga wapa nzi mu kusintanya buntu bwako? Kumane kusiya mayake ako oonse, alimwi wa—wa siila basimukowa bako kwaalwanina, a zintuzyonse, ino kujatikizya buntu obo alimwi nkokuli nkoya kuba? Amuyeyeye, uyooba kubusena bumwi, zyuulu zya myaka kuzwa sunumasiku. Eci inga caba ciindi cako caku bamba muzeezo wako.

¹⁶¹ Amubone obo bulubizi bwa kugubila mu bbaasi eyi . . . Ino ii—in simakwebo mucete mbwa kabede, kusola kujatilila ku kansiyansiya, cindi nicaka tondezegwa kuli nguwe a kusimpikizigwa kuti Obu bwakali Buumi Butamani, alimwi wa kapeda bumboni mbubonya ku kulomba Jesu kujatikizya ncico.

¹⁶² Paulo waka cizumina. Tu lizi nzila mbwa kayutuka. Mbuli bantu ba buzuba, bala botelwa muzeezo wampuwo, a kulumbaizya kwa muntu mubusena bwa lulemeko lwa Leza. Paulo tako bikkila maanu ku kulumbaizya kwa muntu. Wa kali kuyanda lulemeko lwa Leza.

¹⁶³ Atu totele mulombe oyu mukubusyi asyoonto buyo katutaninga jala. Atu mutobele. Tu jana busena butobelaa, kuti, oyu mulombwana mukubusyi, mulizi eco cakacitika kuli nguwe? Ta kaba mucete kapati, ku kucita ceeci. Ta kaba mukumbizi mu kagwagwa. Wa kajisi ambono zinji. Wa akaka coolwe.

¹⁶⁴ Ziindi zinji, bantu sunu bayo seka a kufubaazya Muuya Uusalala, mpawo kuzumanana a kuvula mu mulimo wabo. Nywebo mulizi, mundi jatile bwaambe obu... Pele cindi niba kaseka, kwaamba, "Baa, langa, mebo! Ikuti na kuli cintu cili coonse kuli Neico, mwabona, baa, inga cacitika kuli ndime, cintucimwi cacitika kuli ndime."

¹⁶⁵ Nywebo mulizi, kuli ii—ii—ii kaambyo, kuti, "Bafubafuba bayo enda a mabbusu ajisi mpikili ku tusindi awo Baangelo mpo bayoowa kulyata."

¹⁶⁶ Oyu mweendelezi mukubusyi wakacita ceeco ncobeni. Mwabona? Wa kabamba i—i bulubizi bubyaabi, alimwi tu jana kuti tii caka sinkila makwebo akwe. Wa kavuba. Wa kaba ampuwo maningi, kajana zintu zinji. Tu jana kuti, kwiinde kaindi, kuti wa kajisi mpatici loko kusikila akwalo wa kayaka mataala mapya akubikka zintu zyakwe mukati.

¹⁶⁷ Elyo nkaambo kakuti mbungano yakaka Muuya Uusalala, mu mazuba aya akumamanino, ili sumpukide. Elyo lino moyo njila mu Kkanso ya Bupaizi, mbubonya buyo Bbaibbele mbo lya kaamba kuti moyo cita. Lino uli Laodikeya ncobeni, "uvvubide a kuvula mu lubono," mbubonya buyo mbuli ulya mwaalumi mukubusyi mbwa kabede.

¹⁶⁸ Wa kali cikozyanyo ca mbungano, kukaka. Paulo wakali cikozyanyo ca umwi wakali kutambula. Bobilo babo baka jisi coolwe, mbuli mbo mujisi sunumasiku, alimwi Ndi jisi.

¹⁶⁹ Wa kaindila kuvuba mu lubono. Mbubonya mbungano mboya cita, Bukkalo bwa Laodikeya, bwavula mu lubono. Elyo amuyeeye, wa kaba mupati loko, mane wa kaba simpuwo maningi, mane abalo bamami ba masi, bantu bapati, bakatalika kusika. Elyo wa kabikka cipobwe cipati, ciindi cimwi.

¹⁷⁰ Alimwi kwakali waka jisi bubambe bwa Buumi Butamani ku cintoolo cakwe cipati, elyo tu jana kuti wa kali lede ku mulyango. Oh, inga wa fumpa tufwelengenya tumwi kuzwa kuli nguwe. Wa kajisi coolwe alubo, kamboni, Lazaro kapa bumboni kuli nguwe. Pele wa kafumpa buyo tufwelengenya, "Oh, ee, Ndiyo sola eci, kubweza kkota eyi, na kufumbwa," nywebo mulizi. Oko kutandila kulanganya kwamu 1964. "Oh, Ndiyo gwasya aniini. Eco cili kabetu, ku mulekela buyo kuunka, mwabona."

¹⁷¹ Pele wa kajisi bubambe. "I bacete mu muuya," Matayo 5 ila twaambilila kuti mbe mbabo, "babu mba Bwami bwaku Julu."

¹⁷² Wa kazumanana kuvula mu lubono, a kujana mpuwo mpatici loko, a muntu mulemu, pele kuvola kwakwe kumalekelo kwaka boola. Kumalekelo caka boola. Aa nyika wa kajisi kubbadele kupati. Wa kajisi mulimo mupati wa dilwe, kwiina kuzumbauzya. I mukambausi mupati wakabungwe wakasika, antela wakaamba majwi mapati aali nguwe. Kwayanda bakaanzika ndembela ku cisela. Basimakwebo babotu baka mutola ku kuzikkwa kwakwe. Pele Bbaibbele lyakati, "mu

gehena," kuvola kwakwe kwa kaboola nkambo ka kukaka Buumi Butamani.

¹⁷³ "Mu gehena wa katambya meso akwe, mukuba mu kupenzegwa." Elyo wa kalanga koonse ku mugelo mupati, kuti Jesu ta kaamba kuti muntu wakasola kuzabuka na uyo sola, alimwi wa kajana wakajisi bubambe bwa Buumi Butamani, kaumbulizigwa, ku lubazu lumbi. Boonse babo. Umwi waka Butambula. Boonse bwakapa bulumbu. Sikupyaanga tufwefwelenga wakajana bulumbu. Alimwi eno muntu muvubi waba mukumbizi, "Lekela ukajisi bubambe ajoke a kuguma milomo yangu a ii–ii maanzi masyoonto, nkambo aya mabangabanga alandi penzya."

¹⁷⁴ Muta pangilbulubizi mbubonya, simakwebo. Muli bafwika mbuli buyo mbo bakabede. We elede kubamba muzeezo. Cita buyobozi bwako lino. Ko cibamba kuba masimpe. "Bamba kusala kwako, kwiita masimpe." Jana bumwi bubambe.

¹⁷⁵ Amulange buyo–buyo asyoonto na obilo ambi, ikuti na mula konzya. Cindi Musa, oyo wakasiya, mukuba mwaami wa Egepita, Farao, wakalemeka kusampaulwa kwa Kristo. Farao wakalanga aali mbabo bantu mbuli nkamu ya basikubba madaka, pele Musa waka balanga mbuli bantu bajisi cisomezyo.

Mboboti mbo mulanga, bantu ba Leza?

¹⁷⁶ Musa waka jisi kuvola kwakwe. Amulangilile basikukutauka mutunta wakwe. I Bbaibbele lyakati bakali "Baangelo." Nkaambonzi? Taakwe muntu umbi wakali kukonzya kumutola oko nkvakali kuya. Bakali basikukutauka bakwe.

¹⁷⁷ Kwakali Eliya mu ciindi cakuti banakazi boonse bala gela masusu abo, mbuli Muka. Kennedy abamwi mbo bacita sunu. Kapenta masyu abo, Jezebele. Ii mwaami a bantu boonse bakaunka basinyika; mbungano yakacita, ayalo. Elyo Leza wakatuma mu musinsimi, wa zina lya Eliya, ku kutapatila cintu eco. Nakamana kucembala a kukatala, wa kali libambilide kuya ku Muunzi, ta keelede akwalo kufwa. Kuvola kwakwe kwaka boola, awalo, Leza waka mutumina buyo nkalaki a mbizi zimwi, aku mutola atala mu Majulu.

¹⁷⁸ Stefano, oyo wakaima ku Sanhedrini, kaambaula kuli mbabo a kuti, "Oh, nywebo basicinguni, batapalwidwe mu moyo a matwi, kukaka mulao, lyoonse mula ukazya Muuya Uusalala. Mboli bamauso mbo bakacita, anywebo mbomucita." Ku lufu lwakwe, wa kajana bulumbu. Wa kalungumana a kubona Majulu kaajukide, Jesu kaimvwi ku lubazu lwa kululyo.

¹⁷⁹ Moody, mazuba akumamanino, kutandila myaka ili mwaanda yakainda, sikubambula mabbusu muniini waku Chicago, taka konzya kulemba zina lyakwe. Pepa lyakatuma kubuzyabuzya Moody, ciindi cimwi. Mulimo wakali wakali

zizilwa kapati, bakali kuyanda ku mubona kubikkwa mu mutende kuli ceeco nca kacita; ino kujatikizya Moody, musyobo nzi wa mukambausi ngwa elede kuba, a mukambausi wa insana. Aboobo baka tumina kubuzyanya buzyanya, kuti balembe mu ncito yabo. Alimwi Moody ta kakonzya akwalo kucibala niba kacilemba, aboobo mweendelezi wakwe wakacita kucibala kuli nguwe. Elyo wa kati . . .

¹⁸⁰ Njeeyi nzila ya buleombo bwa mulembi mu mutende mbo bwaamba. Bwa kati, "Baa umwi inga waunka kuyo mvwa Dwight Moody kakambauka, kulainda Mbwe konzya kwaamba." Kati, "I cintu citaanzi, walo muntu ugalankene maningi Ngwe kasola kubona, syalubala a malezu kalengelela." Elyo kati, "Uli mbuli—uli mupati koonse mbuli mbwali mulamfu." Elyo kati, "Cindi asola kukambauka, ta konzyi kubala. Elyo ula zunda cindi akambauka, kaambaula kwiinda mu mpemo yakwe, a milomo."

¹⁸¹ Cindi naka manizya, Ba. Moody bakapukuta makuko akwe, a kuti, "Peepe nconzyo. Ba kaboola kubona Kristo." Aboobo cakali ncico. Takukwe makani obo basikujana butongo mbo bakabede, wa kajisi bubambe.

¹⁸² Elyo cindi na kali kufwa, nkabela dokotela wakati, "Olo ndufu lwa kauma, Ba. Moody."

¹⁸³ Wa kabuka, wa kati, "Yebo wiita lufu olu? Obu mbuzuba bwangu bwa kusekelela kusamikwa musyini." Mwabona? Wa kajatilila mulazyo.

¹⁸⁴ Mweenzuma wangu mubotu, Paul Rader. Cindi Ne kali mulombe muniini, Nda kali—Nda kananikwa mu mbungano ya Missionari Baptisti, elyo Paul Rader wakali muna Missionari Baptisti awalo, aboobo, Fort Wayne, cindi Ne kali kuunka kuyo mumvwa ka kambauka. Kumane, kasika okuno ku West Coast a kujana mapenzi manji loko, a penzi lyamali kusikila wa kaciswa, kumalekelo kasololelwa ku kkulenge, nkabela wa kali kufwa. Walo a Luka bakaunka antoomwe buumi bwabo boonse, kanamatikidwe antoomwe mbuli mwana wangu a Ndime.

¹⁸⁵ Aboobo cindi Paulo nakali kufwa, Moody Bible Institute katuma kkoteeti kunselelo, nkabela baka liimvwi okuya. Paulo waka jisi gano lya kudana. Elyo wa kali . . . I Kabunga kaniini . . . kanguzu ika Moody Bible, a kkwaya eyi, ka tumina kumusanza okuya, na kkoteeti, nkabela bakali kwiimba, *Munsi maningi, Leza Wangu, Kuli Nduwe*.

¹⁸⁶ Paulo waka vuulukila a kuwaala mulembo kuzwa kuli nguwe. Wa kati, "Nguni uli mukufwa, mebo na yebo?" Mwabona? Wa kati "Amu gusye zimvule, akundi imfila inyimbo zibotu zikwelelezya zya makanimabotu." Elyo bakatalika kwiimba kuti:

Kunselelo ku ciingano oko Mufutuli wangu
nkwakafwida,

Kunselelo kuya ku kusalazigwa kuzwa ku cibi
 Nda kalila;
 Mpaawo ku moyo wangu Bulowa bwa
 kalambwaa;
 Bulemu ku Zina Lyakwe!

¹⁸⁷ Paulo wakati, “Uli kuli mukwesu wangu, Luka?” Luka wakali mu kaanda katobela. Ta kali kuyanda kubona munyina kufwa. Kati, “Ko mwaambila kuboola kuno.”

¹⁸⁸ Aboobo Luka waka njila. Bunji bwamu mwakali muzyi, mulombwana mupati uneneede. Wa kanjila. Paulo waka tambikizya janza lyakwe, kalede aa bulo, a kubweza Luka ku janza a kulanga mujulu ku busyu bwakwe, kati, “Luka, twa boola lweendo lulamfu antoomwe. Pele amu ciyeeye, Luka; mu maminiti osanwe kuzwa lino Ndino imvwi mu Busyu bwa Jesu Kristo, kasamide bululami Bwakwe.” Kajatilide maanza a munyina, mulazyo wakwe waka bbadelwa.

¹⁸⁹ Mudaala Mwiyi Bosworth, oyo wakali okuno ciindi camamanino, a ndime, munsi ku ciindi camamanino, myaka ili makumi ali lusele ayone yakukomena, kubweeda buyo kuzwa ku Africa. Nda kajisi kwiiitwa kwa “kaboola ku Miami.” Nda kazapaula mataya kuzwa mu mootokala wangu, kutandila, kusika okuya. Kati, “Wa kali kufwa.” Nda kabindaanina kuli nguwe. Nda kalizi kuti wakali muntu waka jisi bubambe. Nda kaselemuka.

¹⁹⁰ Nda kanjila mu kaanda omuya. I mulombwana muniini wa lubala waka jisi maboko akwe, maboko akwe maniini akotede. Nda kazuzila kuli nguwe a kuwida ku busyu bwangu, a kulila, “Taata wangu, taata wangu, nkalaki zya Israyeli a basimbizi bazyo!” Kabikka maanza akwe ali ndime a kundi longezya.

Nda kati, “Mukwesu Bosworth, sa inga Nda kukombela?”

Kati, “Peepe.” Kati, “Nse cisidwe.”

Nda kati, “Ndipenzi nzi, Mukwesu Bosworth?”

Kati, “Ndiya buyo ku Muunzi.”

¹⁹¹ Nda kati, “Nda kalizi obo.” Elyo Nda kati, “Ndi yanda ku kubuzya cintucimwi, Mukwesu Bosworth.” Nda kati, “Cakali ciindi nzi cipati maningi ca buumi bwako a mulimo wako? Wa kali kubelekela Leza Nke tana zyalwa. Twa kali mu masena akutolela lusyomo antoomwe. Twa kali mu maguwo aamvula, mu luwo a mu lwizi. Wa kaima munsi lyangu cindi Ne kabona madaimona ku mabazu oonse, a bang’anga. Alimwi wa kabotelwa kapati cindi ni twa kabona Leza ka balebula kaimvwi awo. Ino kwakali kuboteleyza kupati maningi kwa buumi bwako?”

¹⁹² Wa kati, “Ndyoonya lino.” Wa kali kulibambilka kunamatika mu bubambe bwakwe. Wa kati, “Koonse Nkwe kaponena,

Mukwesu Branham, wakali Jesu Kristo, alimwi kufumbwa miniti Uyo enda ku mulyango kuzo nditola ku Muunzi.”

¹⁹³ Iiyi, abo bakali basikuyumuna bubambe abo bakapa zintuzyonse nzoba kajisi, a kuyobola mu Ngale ya muulo mupati. Sa inga tolangalanga, sunumasiku, ayebo, kuciindi notu kotamika mitwe yesu?

¹⁹⁴ Nse konzyi kubona atala lyabbunga. Tandi zyi na ci... bali bongaye, na nguni ulangide mukati, mu televizhioni ya makkebo manji sunumasiku. Ndiyo mubuzya, mweenzuma, kutabi majwi aya abuyo. Uli uufwika. We elede kufwa. Uli cizyi. Elyo inga caba kakutanaba cifumo ciindi cako ciyo boola. Ta ndili... muntu kutali kunji ku kusungilizya; alimwi, nkaambo Jesu wakati, “Boonse abo Taata mbaka Ndi pa bayo boola.” Ikuti na kuli kaanda mu moyo ka mulao oyo, sunumasiku, sa toko Li tambula? Obo bubambe ngu Kristo, bubambe bwakupa luyando lwa Leza kuli nduwe, Ijwi Lyakwe kuba lyuumi mu moyo wako, ku kubamba cibeeela Cakwe. Walo ndi Ijwi. Amu Mu tambule mu buumi bwanu. Sa tamu kaciciti, a kubamba obu buyobozi bupati?

¹⁹⁵ Kucimo Mbwe konzya kubona, Nse konzyi kubona pele kutandila tukokola tuli kkumi kuzwa kuli ndime, na kkumi ayosanwe. Ndiyo mulomba kunyamuna maanza anu ikuti na muyanda kutambula umwi mulazyo wa Buumi Butamani. Kwaamba, “Nda ciyanda, Mukwesu Branham. Kondi yeeya buyo mu mipailo yako. To boni janza lyangu, pele Leza ulacita.”

¹⁹⁶ Taata wesu Wakujulu, oyu mubombe, sinciki, nekubaboobo nkaano ka buumi kakasimpe. Nda caamba mu nzila eyi, Mwami, nkaambo bantu abo, bantu basimakwebo, inga wa cimvwisyloko mu nzila ya kuba cintucimwi cakaimininwa awa aa nyika. Ako nkekaambo Nce ciita kuti mulao. Kondi jatila ikuti na Ndali lubide mu kuciita boobo. Nkambo, lino tuli mu ii–ii kaindi keni kasetekene, oko kuta zumbauzya kuti kuli kuyeyea kunji lino, mukuziba kuti abalo beelede kuba akubbadela kuli conse ncoba jisi okuno, nkabela bala bona nco caamba kukaka.

¹⁹⁷ Lino, oyo mwaalumi mukubusyi, mbuli Mbwe zyi, antela mukuba simpuwo maningi akati ka bantu, wa kacili mu mbungano, wa kabamba milao, ta kacita bumambi, na kubba, na kucita zintu ezyo, pele mu moyo wakwe wini wa kalizi kuti tako jisi Buumi Butamani. Kobamba abo, Mwami, abo basola ku Ku swaana, ku Buumi Butamani, a mikondo buyo eyo ya kulilemeka, akube kuti batambule kutambwa, a kukkala buyo ku matende abo, a kwaamba, “Mwami, Njo cita kufumbwa cintu eco Nco ndilomba kucita.” Ko cipa, Mwami.

¹⁹⁸ Boonse mbi Bako eno. Nda tuula zintu zyoonse kuli Nduwe. Elyo ikuti na mbuto yawida ali oonse, Mwami, aa busena buli boonse, kufumbwa mbuto yakakanza, kwa myaka minji yakali kufwa nzala a nyota, antela yawida amwi sunumasiku. Akube

uti batambule Buumi, Taata, nkambo Nda cilomba mu Zina lyá Jesu Kristo.

¹⁹⁹ Elyo a mitwe yesu kiikoteme cakuzumanana, Ndiyo lomba Mukwesu Pearry, na ula cita, kusika awa akwiimikila, kubweza kuswaangana kwasyaala. 

**64-0314 I Buyobozi
Hotelo Lyaku Beaumont
Beaumont, Texas U.S.A.**

CHITONGA

©2024 VGR, ALL RIGHTS RESERVED

**VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org**

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubellesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa mucimo cipati, kubikwa aa webbusaiti, kuyobelwa mu ciyanza cakujokolosya, kusandululwa mu misyobo iimbi, na kubellesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubellesya cimbi ciliko, walombwa kukwaba ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org